



## Publicaziuns dalla vischnaunca, jamna 33

### Cussegl da vischnaunca

Il cussegl da vischnaunca seraduna venderdis, ils 22 d'ust 2014, allas 18.45 ell'Ustria Fravia a Disla.

Tractandas:

1. Protocol nr. 13-2013/2016
2. Sutpassadi Chischliun: Damonda da credit (messadi nr. 15-2013/2016)
3. Ovra Russein SA –Mesiras da recumpensaziun a Fontanivas: Informaziun
4. Ura da damondas (conform ad art. 44 dil regulativda fatschentas)

*Il president dil cussegl da vischnaunca*

---

### Tagliar caglias e plontas

Tenor art. 75, al. 4 dalla lescha da baghegiar astgan plon-tas buca disturbar la vischinonza ni la segirtad publica. Per liung dallas vias publicas e privatas sco era sendas eintuttas caglias e plontas da tagliar anavos, aschia che nuot survarga il cunfin (era buca suenter ch'ei ha neviu). Ils proprietaris da terren ein supplicai da tener tagliauanavos las caglias per cheutras prevegnir a donns vidvehichels e viandonts/pedunzs. Encass che las caglias e plontas vegnan buca tagliadas anavos, vegnan quellas lavurs exequidas entras il survetsch tecnic dalla vischnaunca cun adossar ils cuosts als proprietaris.

Disentis/Mustér, uost 2014  
*Uffeci da baghegiar Disentis/Mustér*

---

### Di naziunal svizzer da schubergiar (Clean-up-Day 2014)

Appel allas uniunslls 12 e 13 da settember 2014 ha liug il di naziunal svizzer da schubergiar Clean-up-Day. En l'entira Svizra vegn cun engaschi da scolars e students, uniuns e voluntaris schubergiau e rimnau rumien.

A Mustér han las scolaras ed ils scolars dallas scolas dalla vischnaunca surpriu quella incarica ed han previu luracziun per venderdis, ils 12 da settember. Las uniuns da sport, mo era ulteriuras uniuns ein envidadas ad in'acziun da schubergiar ch'ei fixada sin sonda, ils 13 da settember 2014. L'acziun dalla sonda ei previda naven dallas 8.00 entochen ca. allas 12.00. Als participonts dalla sonda vegn purschiu sigl areal dalla serenera a Raveras ina purschida dil gril sco era in sitg.

Uniuns obtegnan ina mudesta contribuziun pauschala. Uniuns ch'ei interessadas da separticipar all'acziun Clean-up-Day 2014 ein supplicadas da s'annunziar entochen ils 20 d'ust 2014 tier igl uffeci da baghegiar (baghegiar@disentis.ch) ni tier l'administraziun communal (admin@disentis.ch). Per sclariment stattan gerau Roger Tuor ni il menader digl uffeci da baghegiar bugen a Vossa disposiziun. Ils 13 da settember 2014 vegn dau caschun alla populaziunda prender envesta dalla piazza da recicladi a Raveras. Ils detagls vegnan publicai pli tard.

Nus selegrein da Vossa participaziun ed engrazien a tuts ed a tuttas per lur engaschi a favur nossa biala natira enossa patria.

*Gruppa da lavur  
Clean-up-Day Mustér 2014*

---



## Controlla da habitonts

### Mortori

Maria Luisa Desax, naschida ils 3 da mars 1927, mortails 6 d'ost 2014

### Naschientscha

Luanan Jolie Böttcher, naschida ils 27 da fenadur 2014,  
feglia da Andrea Simona e Matthias Böttcher

---

### Apparats d'udida

Gliendisdis, ils 25 d'ost 2014 saveis Vus schar schubergiar e regular Vies aparat d'udida naven  
dallas 14.00–16.00 el Puntreis Center da sanadad a Mustér, Via Cons 11.

L'uniun Pro Audito Cuera cun signur Arthur Jacomet fa quei survetsch per tuts interessents  
gratuitamein.

Cordiala invit

*Puntreis, Center da sanadad*

---

### Uniun da giuventetgna Pardomat/Madernal/Disla/Cavardiras

#### Sera familiara 2014

Sonda, ils 16 d'ost 2014 menein nus atras la sera familiara.  
Tut ils vischins ein cordialmein envidai ella ustria «Fravia» a Disla.  
La fiasta entscheiva allas 19.00

---

### Societad da tir Desertina

Davosa pusseivladad da sittar tir obligatoric  
Dumengia, ils 17 d'ost, allas 18.00–19.00 el stan dasittar Sedrun la Resgia.

*La suprastonza Desertina*

---

### Uniun da dunnas Mustér

Brunch a Caischavedra

Dumengia, ils 31 d'ost envida l'uniun da dunnas en tut las commembras ad in brunch a  
Caischavedra. Suentar il brunch sa tgi che ha plascher guder ina biala spassegiada sur la senda  
dils Laruns. Partenza dalla cabina dallas 9.30.

Annunzias san vegnir fatgas entochen ils 26 d'ost tier Candinas Fabiana, 081 947 42 88,  
079 373 61 58. Nusselegrein sin Vossas annunzias e da saver passentar in bidi ensemen cun vus

*Cordials salids*

*Christina, Ursina, Sigrid e Fabiana*

---



**Secziun da catschadurs Péz Alpetta**

Tier intern dalla secziun da catschadurs Péz Alpetta a Sars Sut, cun informaziuns dil guardiaselvaschinas partenent las perscripziuns da catscha. **Sonda, ils 23 d'uost 2014,** naven dallas 13.00.

---